



Uunga:

Lars Poulsen, Siumut
Inatsisartuni Ilaasortaq

§ 37-imut akissut. Nr. 47 - 2025

21-05-2025

Inatsisartut Suleriaasianni § 37, imm. 1 naapertorlugu Naalakkersuisunit 20. maj 2025 apeqqutit tiguneqarput. Apeqquteqartuuvoq Lars Poulsen, Siumut.

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Apeqqutit ataanni akissutit allassimapput.

1. Namminersorneq pillugu Inatsit tunngavigalugu §21-mik suliaqartussatut isumalioqatigiissitaq Naalakkersuisut ingerlatassaat sulinermini sumut killippat?

Akissut: Naalakkersuisut kingulliit ukioq manna februaarimi § 21-imut isumaqatigiissutip suliaqartussatut allattorsimaffiat, § 21-imut isumaqatigiissutip aqqissuunneqarnera aammalu § 21-imut isumaqatigiissutip aningaasartalerinissaanut aqqiissutissatut siunnersuutit Inatsisartut Aningaasanut Akileraartarnermullu Ataatsimiittitaliaanut akuerisassanngorlugit ingerlateqqinneqarsimapput. Ataatsimiittitali qinersinissamik suaarutiginnittoqareersimanera pequtugalugu innersuussutit akuerisimangilai.

Naalakkersuisunngortut nutaat nutaamik isummerfigissavaat § 21-imut suliaqartussatut allattorsimaffiat, aqqissuussinissaq, aningaasalersorneqarnissaa aammalu ingerlariaasissaq. Taakkua inissereerpata Inatsisartut Aningaasanut Akileraartarnermullu Ataatsimiittitaliaanut suliaq ingerlateqqinneqassaaq. Tassani piffissalersuinissaq ilaatinneqassaaq.

2. Sulineq suli aallartissimangippat, isumalioqatigiissitap qaqugu sulilluni aallartinissaa Naalakkersuisut naatsorsuutigaat?

Akissut: Naalakkersuisut maannakkuugallartoq oqaatigisinnaanngilaat qaqugu isumalioqatigiissitap sulinera aallartinneqassanersoq Naalakkersuisooqatigiit nutaat ingerlariussaaq aalajangiiffiqqaartussaammassuk.

Inussiarnersumik Inuulluaqqusillunga


Jens-Frederik Nielsen
Naalakkersuisut Siulittaasuut